



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Divi Bambergenses S. Henricvs Imperator S. Kvnegvndis  
Imperatrix S. Otho Episcopvs**

**Gretser, Jacob**

**Ingolstadii, 1611**

XXII. De quinq[ue] cellulis quas fecit in diuersis parochiis.

**urn:nbn:de:hbz:466:1-41527**

rauit; & appositis ei sexaginta mansis, Abbatiam esse fecit. Has quindecim congregationes opera eius atque benignitas nunquam infœcunda propagavit.

*De quinque Cellulis quas fecit in diversis Parochiis.*

CAPVT XXII.



Vinq; insuper Cellulas, quasi totidē grana seminis seminare curavit, sciens, quod *neq; qui seminat, neq; qui rigat, est aliquid, sed qui incrementū dat, Deus.* Ex eisdē, igitur granis quidam iam furculi pullulāt, poteruntque, Deo incrementum præstante, in arbores confurgere. Sunt autem hæc. Vna, quæ dicitur Aspach, in honore S. Matthæi Apostoli & Euangelistæ: ipsum autem fundum & prædium eius multo tempore Babebergensis Ecclesia perdidit. Sed ipse illud solerti cura requisitam, *Cellam* fecit monachorum: iamque in Abbatiam conualuit copiosa prædiorum donatione, ab ipso primū, deinde ab aliis fidelibus ditata.

Secunda est in loco Babebergensi in domate S. Michaëlis sita, sub patrocinio S. Fidis Virginis & Martyris. Primò hanc sanctimonialium esse voluit; sed altiori consilio, septem monachis eam instituit, & cum omnibus pertinentiis suis S. Michaëli consignavit.

Tertia est Rotha sub patrocinio S. Georgij Martyris in Episcopo Herbipolens.

Quarta est Vezzeræ in eodē Episcopo, in honore S. Dei genitricis MARIÆ, de Ordine Nortpertinorum. Sed alterius fecunditas alteri fecit sterilitatem. Rotha enim in sua permanens tenuitate proficiente Vezzeræ, tanquam meliori, ad seruiendum subdita est. Hoc tamen sciendum, quod Episcopus Rotham ab Agnete Palatina, & eius sorore Adelheida cum sexaginta mansis Ecclesiæ Babebergensi donatam suscepit.

1. Cor. 3.

Aspach.

Cella S. Fidis  
sive Fidei.

Roth.

Vezzeræ.

pit, circumiacentia verò eidem Cella bona emittit da centis septuaginta quinque marcis, cum ministerialibus scilicet & agris, syluis & pratis, pascuis & molendinis, & cum omni utilitate ac iure, quo Chuno Dux idem prædium noscitur habuisse. Vezzeram autem Gothboldus Comes ædificare inchoauerat, quam Episcopus ab eo sibi datam suscipiens, suis eam promouit impensis.

Quinta ei Cella fuit in Episcopio Herbipolensi Nithardshufen in pago Tullefeld. Atque, si, quod verum est, fateri liceat; Sextam illi, Tuckelshufen in eodem Episcopio annumerare debemus. Huius enim structores dum eius promotioni minus sufficerent, scientes Episcopum talium rerum studiosissimum, vt eius opitulatione locus promoueretur, ipsius hunc Titulo adscripserunt, atq; vt cum Bambergensi Ecclesiæ omni iure firmauerit, coram idoneis testibus promiserunt. Hac igitur conditione multa eidem loco impendit.

Hæc de Cellis & monasteriis eius dicta sibi sufficiant. Tu ego, distinctè, inquam, atque succinctè satis ea digestsisti. Et ego, si bene numeravi, viginti vna Cellarum & monasteriorum summa perficitur: Vni Episcopo satis fuit, imò verò tribus aut quatuor.

*Quid intentionis habuerit, vel quid rationis de his operibus interrogatus, reddere solitus fuerit.*

## CAPVT XXIII.

**E**o quare obsecro tantam pecuniam in talia proiecit? Certum est enim quod non sine magnis sumptibus ista consisterint. Sed, sicut ea reprehendere non audeo, ita vel laudare, nisi alicuius prudentissimi hominis de his sententiam audirem, non præsumo. Mundus enim, inquiunt, Cœnobiis & monasteriis plenus

*Sesquidus.  
Vnde Sit am e-  
dit. à Can. lib.  
I. cap. 12.*